



Broj: 15-03-16-5-16-59/25
Dana: 18.8.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikacione dokumente, evidenciju i razmjenu podataka Bosne i Hercegovine donosi

O D L U K U **o poništenju postupka javne nabavke**

Član 1.

Poništava se postupak javne nabavke **unutrašnjih i spoljnih stikera**, objavljen na web Portalu javnih nabavki Bosne i Hercegovine, Obavještenje o nabavci, broj 1110-1-1-29-3-73/25 od 9.6.2025. godine, koji je proveden otvorenim postupkom.

Član 2.

Stavlja se van snage Odluka o izboru najpovoljnijeg ponuđača, broj 15-03-16-5-52/25 od 30.7.2025. godine, donesena ranije u postupku javne nabavke iz člana 1. ove odluke.

Član 3.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

Član 4.

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenih aktivnosti, Komisija za provođenje postupka javne nabavke unutrašnjih i spoljnih stikera je konstatovala da su do roka za prijem ponuda, dana 28.7.2025. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), pristigle dvije (2) ponude i to ponude ponuđača J.H. Tönnjes E.A.S.T. GmbH & Co. KG Delmenhorst, SR Njemačka i Grupe ponuđača Cetus d.d. Celje, R. Slovenija i Decom d.o.o. Sarajevo, BiH. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda izradila Zapisnik o pregledu i ocjeni ponuda, broj 15-03-16-5-16-51/25 od 29.7.2025. godine, u kojem su detaljno obrazloženi razlozi za izbor najpovoljnijeg ponuđača.

U skladu sa navedenim zapisnički je utvrđeno da dostavljena ponuda Grupe ponuđača Cetus d.d. Celje, R. Slovenija i Decom d.o.o. Sarajevo, BiH, ispunjava sve zahtjeve u pogledu opisa predmeta nabavke, uslova za kvalifikaciju i tehničke specifikacije, odnosno da je ponuda kvalifikovana i prihvatljiva u pogledu dokaza koje dostavlja ponuđač, a dokumenti su dostavljeni na način kako je definisano Tenderskom dokumentacijom.



Ivana Franje Jukića 2, 78000 Banja Luka
Tel: + 387 51 340 170
Fax: + 387 51 340 180



Ивана Фрање Јукића 2, 78000 Бања Лука
Тел: + 387 51 340 170
Факс: + 387 51 340 180

U pogledu ponude ponuđača J.H. Tönnjes E.A.S.T. GmbH & Co. KG Delmenhorst, SR Njemačka, Komisija je utvrdila da je ista nekvalifikovana iz razloga što priloženi dokaz o tehničkoj i profesionalnoj sposobnosti nije u skladu traženim Tenderskom dokumentacijom, odnosno dostavljena potvrda o urednoj realizaciji ugovora ne sadrži podatke po pitanju vrijednosti ugovora, vremena i mjesta izvršenja ugovora, a kako je definisano tačkom 6.5. i 6.5.1. pod a) Tenderske dokumentacije. S obzirom na navedeno, Komisija je ocijenila da je ovaj ponuđač nekvalifikovan, a njegova ponuda time neprihvatljiva.

Analizom i ocjenom ponuda, u postupku sa kriterijumom najniža cijena, Komisija je konstatovala da je ponuda Grupe ponuđača Cetis d.d. Celje, R. Slovenija i Decom d.o.o. Sarajevo, BiH sa najpovoljnija u postupku javne nabave unutrašnjih i spoljnih stikera, jer je navedena ponuda u ekonomskom i tehničkom smislu zadovoljavala zahtjeve ugovornog organa iz tenderske dokumentacije. Dana 30.7.2025. godine, Agencija je donijela Odluku o izboru najpovoljnijeg ponuđača, broj 15-03-16-5-52/25, kojom je ova grupa ponuđača izabrana za najpovoljnijeg ponuđača u postupku javne nabavke, te je istoj navedenog dana upućeno Obavještenje o rezultatima postupka, broj 15-03-16-5-53/25. Ovim obavještenjem je od Grupe ponuđača zahtijevano da, kao izabrani ponuđač, dostavi dokumentaciju u vezi člana 45. Zakona o javnim nabavkama u originalu ili ovjerenim kopijama za člana Grupe Decom d.o.o. Sarajevo u roku od pet dana od dana zaprimanja Obavještenja.

S obzirom da je Obavještenje upućeno 31.7.2025. godine putem faksa, a da u traženom roku nije zaprimljena tražena dokumentacija od izabranog ponuđača, Komisija je ponudu i ove grupe ponuđača ocijenila neprihvatljivom. Imajući u vidu da se drugi ponuđač u postupku nije u žalbenom roku žalio na Odluku o izboru najpovoljnijeg ponuđača kojom je njegova ponuda ocijenjena neprihvatljivom, odnosno da nema drugorangiranog ponuđača u postupku javne nabavke Komisija je predložila poništenje postupka javne nabavke u skladu sa članom 69. stav (2) tačka d) Zakona o javnim nabavkama.

Cijeneći navedeno odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset (10) dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević

дигитално потписано / digitalno potpisano / digitally signed